

21 November 2013

Jaargang 6 – Uitgawe 39

In hierdie uitgawe

- Voorblad
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Die Kommissie beplan vorentoe

Op 15 en 16 November 2013 het die Kommissie van die Algemene Kerkvergadering en ander rolspelers in 'n strategiese werkwinkel die werksaamhede vir die termyn van drie jaar beplan. Besluite van die 70ste AKV asook temas wat tydens die tweedaggesprek aan die lig gekom het, het die gesprek en beplanning gerig.

Uit die staanspoor was die vertrekpunt die positiewe gesprek en gesindheid wat uit die AKV gespruit het. Klem is opnuut gelê op die verantwoordelikheid van die Kommissie om die besluite van die AKV tot uitvoer te bring. 'n Nuwe werkswyse word geïmplementeer wat die lomp en duur struktuur van uitgebreide rade en komitees vervang. Die uitkoms van die werkwinkel het nuwe inisiatief en ywer aan die dag gebring.

Die werksaamhede van die volgende drie jaar is ingedeel onder agt kernaktiwiteite wat elk deur 'n kernkomitee uitgevoer sal word. Lede van die Kommissie vorm die sameroepers wat op gereelde basis terugvoer gee tydens die vergaderings van die Kommissie. Die kernkomitee het ook bevoegdheid om medewerkers en kundiges te koöpteer. Die kernaktiwiteite is onder die volgende punte ingedeel, elkeen met 'n lid van die Kommissie verantwoordelik vir die effektiewe uitvoer van en terugvoer oor die kernaktiwiteite:

- Kerk en teologie (Prof Ernest van Eck)
- Kommissie van die AKV / Moderamen
- Gemeentelike dienswerk (Dr André Ungerer)
- Kommunikasie en inligting (Dr Wouter van Wyk)
- Erediens en kerklied (Dr Gerhard Lindeque)
- Kerklike dissipline (Ds Leon Geel)
- Finansies en administrasie (Ds Willem Kok)
- Ekumeniese skakeling (Dr Wim Dreyer)

Die ouderlingslede is ook by die onderskeie kernaktiwiteite ingedeel.

Die besluite van die 70ste AKV is ingedeel onder die gepaste kernaktiwiteit en sal uitgevoer word by wyse van projekbestuur. Drr Piet Steenkamp en Jan Beukes het die proses van projekbestuur deeglik uitgelê, en werksaamhede het reeds 'n aanvang geneem. Daar is ook onderneem om op gereelde basis terugvoer te gee oor die werksaamhede deur middel van die verskillende kommunikasiewyses wat bestaan. Na diepgaande bespreking was daar konsensus dat die Kerk se visie, *Ons droom is dat alle mense in Jesus Christus sal glo as hoop vir die wêreld*, steeds die volgende drie jaar die Kerk se werksaamhede sal rig en lei.

Benewens die deeglike beplanningswerk is gesellig saamgekuier en onderlinge bande gesmee. Die keurige wyse waarop Piet Beukes, Jannie van Niekerk en Johan Hattingh gesorg het dat elke etenstyd 'n vervullende ervaring was, is prysenswaardig! Al die deelnemers aan die werkwinkel het met vaste oortuiging onderneem om die roeping wat in die leuse uitgespel word, met geloof en ywer uit te dra: *In Christus se voetspore*. Hierdie leuse tesame met die logogram van die voetwassing roep ons elkeen op om met oorgawe besig te wees met dienswerk in die koninkryk van God.

Dit is die opregte bede van die Kommissie van die AKV dat elke ampsdraer en lidmaat en elke gemeente van die Kerk met oorgawe saam tot eer en verheerliking van die Heer van die kerk sal leef en werk.

Ds Leon Geel
Skriba: Kommissie van die AKV

(Volgende week se uitgawe, op 28 November, is die laaste vanjaar. Die eerste uitgawe van 2014 verskyn op 16 Januarie.)

Skakels

Webblad van die Hervormde Kerk www.nhka.org
Die Hervormer www.hervormer.co.za
e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, stuur 'n e-pos na karen@nhk.co.za

PREDIKANTE EN GEMEENTES

Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.



Prop Doret Müller

- **Oudl Frik Geys** van Gemeente Midstream en voormalige lid van verskeie Kommissies van die AKV **se vrou, Ralie**, is Maandag 18 November oorlede. Die begrafnisdiens vind op Maandag 25 November om 13:00 plaas vanuit Gemeente Midstream. Ons innige simpatie gaan aan oudl Geys en hul familie.
- **Prop Doret Müller**, wat op 8 November 2012 gelegitimeer is, is beroep na die NG gemeente Postmasburg in 'n tweejaar-kontrakpos. Sy word op 26 Januarie 2014 georden. Doret word ook lidmaat van die gemeente.
- Die **Kommissie van die 70ste AKV** het op 15 en 16 November **strategiese beplanning** gedoen vir die termyn wat voorlê. Die Kommissie wil gemeentes oproep om die Kerk se visie, *Ons droom is dat alle mense in Jesus Christus sal glo as hoop vir die wêreld*, deel van hul nadenke en aktiwiteite te maak. In ons strewe om die hoop wat Jesus Christus 'n mens bied met alle mense te deel, volg ons *in Christus se voetspore*. Ons wil van ons Hemelse Vader getuig soos Hy, en ons wil mense in nood aanraak soos Hy. Hoewel ons onvolmaakte mense bly, wil ons die wêreld hoop bied deur te wys na die Here wat leef en die Gees wat in ons werk.

Die Kommissie het **kernprojekspanne** aangewys wat verantwoordelik is vir die uitvoering van die besluite van die AKV. Die skryf van 'n **nuwe Kerkorde** wat die gees en besluite van die 70ste AKV reflekteer, stel besondere eise omdat die eerste konsep reeds in 2015 aan alle gemeentes en ringsvergaderings gesirkuleer moet word vir kommentaar met die oog op die 71ste AKV in 2016.

- Die **Raad van Finansies** het op Donderdag 14 November vir die eerste keer vergader. **Ds Colin Hertzog** is as die nuwe voorsitter verkies en **oudl Hannes Combrink** as ondervoorsitter. Die Raad het onder meer besluit dat die **Sinodale Kerkkantoor** op Vrydag 20 Desember 2013 **sluit** en op Maandag 6 Januarie 2014 **heropen**.
- Neem asseblief ook kennis dat die **Sinodale Kerkkantoor** in Pretoria op **Vrydag 22 November** gesluit sal wees, omdat die personeel hul Jaareindfunksie elders bywoon.
- Die groep wat op **Koster** van die Nederduitsch Hervormde Kerk van Afrika (NHKA) afgeskei het, het hierdie week 'n beroep uitgebring op 'n predikant van die Hervormde Kerk sonder om duidelik te maak dat hulle nie die NHKA se gemeente op Koster is nie. Predikante word daarop gewys dat dit kerkordelik nie moontlik is om 'n beroep te aanvaar na 'n gemeente wat van die Kerk afgeskei het nie.
- Die volgende is van die **besluite** wat deur die **Kommissie van die AKV** geneem is by hul vergadering van 7 en 8 November 2013:
 - **Ds CJ (Coenraad) Strydom** van Gemeente Onverwacht word kragtens Ordinansie 2.1.12.1 op 1 Desember 2013 losgemaak van sy standplaas en van die amp onthef. Hy het 'n beroep aanvaar na 'n gemeente in Skotland.
 - **Ds ST (Oppies) Opperman** is kragtens Ordinansie 2.1.12.4 (v) op eie versoek van sy ampsvoorreg onthef. **Ds A (Antoinette) van Zyl** is kragtens dieselfde ordinansie van haar ampsvoorreg onthef, en **Gemeente Vrede** is nie meer deel van die NHKA nie.
 - **Ds EC (Eddie) Eckard** en **ds JF (Kobus) van der Merwe** is uit die amp onthef.
 - **Dr GC (Gerhard) Lindeque** woon die **MRCC** se 90ste bestaansjaarvieringe op 30 November by namens die Kommissie en dra 'n groeteboodskap oor.

Bydraes vir moontlike plasing in die *e-Hervormer* moet asseblief teen Dinsdaemiddae 16:00 OP DIE LAATSTE na produksie@nhk.co.za gestuur word.



Dr Wim Dreyer, voorsitter van die Kommissie van die AKV

Ds Colin Hertzog



- o **Oudl FJ (Fred) Paynter** sal die ontvangs van **ds JJ (Jan) Claassen** op 1 Desember 2013 om 09:00 by **Gemeente Naboomspruit** bywoon en 'n groeteboodskap namens die Kommissie oordra.
- o **Ds DA (Dirk) van Rooyen** word op 31 Desember 2013 losgemaak van die kombinasiestandplaas **Belfast/Waterval Boven**.
- o Die volgende beroepafwagte predikante se **aansoek om behoud van ampsvoorreg** is goedgekeur: Di JJ (Johannes) Barnard; JS (Hannelie) Botha; M (Maritza) Botha; RP (Rudi) Botha; JA (Johan) Holtzhausen; HF (Hennie) la Grange; M (Manda) le Roux; drr AC (Adriaan) Neele; J (Johan) Nel; prop A (Annézel) Otto; di HA (Hennie) Retief; DS (Daan) Smit; prop C (Carusta) van der Merwe; en dr T (Tanya) van Wyk.
- o **Oudle DJ (Dave) Lizamore en T (Tom) Moodie** is deur die Kommissie van die AKV aangewys om as ouderlingevertegenwoordigers in die Kommissie van die ADV te dien.
- o **Ds WJJ (Willem) Kok en oudl PP (Paul) Vorster** is benoem in die **Raad van Finansies**.
- o Die Kommissie wys **prof IWC (Natie) van Wyk** aan as redakteur van die **Tydskrif van Hervormde Teologie** en **ds D (David) Barnard** as redakteur van **Die Hervormer**. **Dr P (Piet) van Staden** en **ds EG (Etienne) Fourie** is aangewys as subredakteurs van **Die Hervormer**.
- o **Ds HF (Hennie) Louw** is as addisionele lid vir die **Komitee vir Bybelverspreiding** benoem.
- o Die Kommissie bevestig dat die taak van die **Bemiddelingskomitee** na die 70ste AKV afgehandel is.
- o Al die **hofprosesse** waarby die Kerk betrokke is, gaan intussen voort.

- **AKSIEGROEP VIR BEJAARDES.** Baie bejaardes begeer opreg om nog in die gemeente waar hulle woon, diensbaar te wees. Omdat hulle "oud" is, word hulle dikwels oor die hoof gesien en word jonger mense benut wat op hul beurt weer dikwels nie die nodige tyd het nie. Moedig die ouer mense aan om betrokke te bly en vind by hulle uit of hulle kans sien vir 'n taak of nie. Miskien verbaas hulle almal! Vir meer inligting, kontak die **ADV se Werkgroep vir Bejaardes (die AGB)** by 082 786 8448.

- Die **Bybelgenootskap** van Namibië versoek gemeentes om hul bydraes aan die Bybelgenootskap teen die **einde van Desember** oor te betaal. Die deurskietes van Hervormingsondag (28 Oktober) moet asseblief saam met bogenoemde teen einde Desember oorbetalings word. Die bydraemikpunt soos vasgestel deur die 70ste AKV is R36 per belydende lidmaat. Die **bankbesonderhede** is soos volg: Bybelgenootskap van Namibië, Bank Windhoek, takkode 482172, rekeningnommer 1131252201. Gemeentes moet hul **naam** (NH Windhoek) as verwysing gebruik wanneer oorbetalings gemaak word. Indien oorbetalings nie direk in die bankrekening van die Bybelgenootskap gedoen kan word nie, kan dit gepos word na Privaatsak 13294, Windhoek. Ds Bernie van der Walt kan by 061 235 090 of 081 127 1694 geskakel word indien daar enige navrae is, of stuur 'n e-pos na gensec@nambible.org.na.

- **ADV SE JAAR VIR GESTREMDHEID. Respekteer en akkommodeer.** Alle geestelike leiding en begeleiding behoort vir persone met gestremdhede beskikbaar te wees soos dit met alle ander persone die geval is. Dis elke gemeente en elke persoon in die gemeenskap se plig om soveel moontlik hulp en bystand te verleen – hetsy emosioneel of materieel – ook om ouers by te staan indien daar 'n gestremde kind in die gesin is.

- Op Saterdag 30 November vier die **Maranatha Reformed Church of Christ (MRCC)** hul **90ste bestaansjaar** in die Goddefroysaal in die Dirk van der Hoffgebou in Pretoria. Die verrigtinge duur van 09:00 tot 16:00. Kontak ds Modisaotsile Motloba by 012 322 8885 x262 of mrcc@nhk.co.za vir meer inligting.



- **Tydskrif vir Hervormde Teologie (THT).** Die volgende vier temas sal gedurende 2014 aandag geniet:
 1. Die verlossingsleer (tweede deel van die Heidelbergse Kategismus).
 2. Klein en kleiner wordende gemeentes: Hoe kan ons hierdie uitdaging hanteer?
 3. Die Christelike etiek (derde deel van die HK).
 4. Rudolf Bultmann: Wat het ons positief en negatief oor hom te sê, 130 jaar na sy geboorte?

Verduideliking

1. Die verlossingsleer, soos dit in die Kategismus aangebied word, is baie wyd. Dit sluit naas die hele Christologie, ook byvoorbeeld die skeppingsleer in. 'n Baie wye spektrum van temas kan dus aan die orde kom.
2. Tydens die AKV het dit geblyk dat klein gemeentes en kleiner wordende gemeentes een van ons groot uitdagings is. Hierdie tema bied aan ons die geleentheid om opnuut oor die amp na te dink. Die hele saak van missionale bediening kan ook in hierdie uitgawe aandag geniet.
3. Die derde deel van die HK handel oor die etiek – die geboorte en die gebed. Naas bydraes oor spesifieke geboorte en gebede, sal die volgende twee sake ook in hierdie uitgawe aandag geniet: (a) Die saak van homoseksualiteit; en (b) die kulturele en politieke rol van die kerk. Laasgenoemde tema is die tema van 2014 in die "Luther-dekade". Met ander woorde, dit is die tema wat reg oor die wêreld bespreek gaan word in aanloop na 2017. Ons wil daarom inval by die projek "Reformasie 500". Indien ons genoeg bydraes ontvang, kan twee aparte uitgawes gepubliseer word.
4. Rudolf Bultmann is volgende jaar 130 jaar gelede gebore. Die Hervormde Teologiese Kollege (HTK) gaan 'n simposium oor sy teologie aanbied. Die referate sal in die 4de uitgawe van die *THT* gepubliseer word.

Uitnodiging

Persone wat belangstel om bydraes te lewer (tussen 3 500 en 7 500 woorde), moet onverwyld met die redakteur, prof Natie van Wyk, in verbinding tree by 082 448 4759 of aim1@mweb.co.za. Die bydraes moet algemeen verstaanbaar wees, maar moet op deeglike navorsing berus. Die styl en aanslag moet eg Hervormd wees.

Sperdatums vir inhandiging

1. 21 Maart.
2. 30 Mei.
3. 30 Julie.
4. 30 Augustus.

- Gemeentes en ringe moet dringend reëlings met mev Susann van Zyl van SENTIK tref om hul besendings van die **Almanak/Bybelse Dagboek** te kom afhaal.
- Die **47ste Nasionale Kongres** van die **Nederduitse Hervormde Sustersvereniging (NHSV)** vind plaas op 17, 18 en 19 Julie 2014 in die Aula, Universiteit van Pretoria, Lynnwoodweg 264, Pretoria. Die erepresident, erelede van die Vereniging, predikantsvroue wat deur hul onderskeie takke afgevaardig is, voorsitters van takke wat nie predikantsvroue is nie, vrouepredikante van die Kerk wat deur hul takke afgevaardig is, emeriti en weduwees van predikante wat deur hul takke afgevaardig is en hoogstens twee afgevaardigdes van elke tak, vrouelidmate met adviserende stem (waarnemers: alle belangstellende vrouelidmate) en die administrateur van die Kerk of sy verteenwoordiger, **word hiermee na die Nasionale Kongres opgeroep**.

Spesiale eredienste en feesnaweke

- **Gemeente Pretoria-Oos**
Inwyding van tweede stel loodglasvensters
Sondag 24 November om 09:00
 Alle belangstellendes welkom
 Navrae aan gemeentelike kerkkantoor by 012 460 8441 / ptaos@nhk.co.za





- **Gemeente Sionspoort: Feesnaweek**
Vrydag 29 November tot Sondag 1 Desember
Vrydag en Saterdag: Kersmark
Die diakonie trakteer die gemeenskap se minderbevoorregte kinders
(*Meer inligting oor die mark op bladsy 9*)
Sondag: Kerssangdiens om 19:00
Mathys Roets en die gemeentekoor tree op
Skakel 082 464 1547 vir meer inligting
- **Gemeente Goede Hoop (Piet Plessis): 100 jaar**
Feesnaweek 29 November tot 1 Desember
Basaar en hoeksteenoprigting (met optrede deur sanger Pieter Smith)
asook Voorbereiding Saterdag
en Nagmaal en Danksegging met Doop Sondag
Gedenkalbum teen R440 plus posgeld
Kontak Dolla Coetzee by dollacoetzee@telkomsa.net
of 073 170 5325 om te bestel
Navrae aan ds Arno Nieuwhof by 073 240 6030
of arnonieuwhof@gmail.com of op sy Facebook-blad
- **Gemeente Laer Suidkus: Vakansie-eredienste**
Port Edward 08:00: Saal van Port Edward Primary School, Fifeweg
Port Shepstone 09:30: Scottstraat 3
Geloftedag 09:00: Gesamentlike erediens van susterskerke
by NG gemeente Port Shepstone
Kersfees: Port Shepstone 06:00 en Port Edward 08:00
Predikant benodig te Port Edward op Kersdag, en vir dienste in Januarie
Kontak ds Jacques Pieterse by 039 682 1059 / 082 458 4482 /
jacquesjean@vodamail.co.za
of die skriba, Frik Esterhuyzen, by 039 695 9340
of Fanie Koekemoer by 083 456 8586
- **Hervormde Kersfeesdiens te Ballito: 25 Desember om 10:00**
Kerkgebou van NG gemeente Noordkus (agter munisipale kantore)
Alle lidmate – inwoners, kuiergaste en vakansiegangers – welkom
Navrae aan ds Thomas Dreyer by 083 252 8242 / tfd@mweb.co.za
- **Gemeente Durban-Suid: Vakansie-eredienste**
Desember: Sondae om 08:30
Kerkgebou te Beaconweg 137 op die Bluff in Durban
Kersfeesdiens op 25 Desember om 07:00
Predikante van ons Kerk benodig om eredienste waar te neem
op 5 en 12 Januarie om 08:30
Kontak prof Biek Beukes by 072 036 4960
of die skriba, Isabel Dirker, by 083 657 5182

Predikanteverjaardae

- **Die volgende predikante verjaar tot 29 November, en word hartlik geluk gewens.**
 - o Donderdag 21 November: Prof HG (Hennie) van der Westhuizen (emeritus)
 - o Vrydag 22 November: Dr PB (Piet) Boshoff (Vereeniging) en ds LS (Lammert) van Rooyen (Leeudoringstad Makwassie)
 - o Saterdag 23 November: Di ME (Mariaan) Beukes (Roosnekal/ Stoffberg) en HS (Henk) Joubert (Welgelegen-Pietersburg)



- o Sondag 24 November: Di JJ (Jacques) Pieterse (Laer Suidkus) en CAP (Neels) van Tonder (Buffelspoort)
- o Maandag 25 November: Ds JPJ (Johan) Wagenaar (emeritus)
- o Dinsdag 26 November: Ds GJ (Gert) van Staden (emeritus)
- o Woensdag 27 November: Prof PJT (Theo) Koekemoer (emeritus)
- o Donderdag 28 November: Dr BJ (Barry) van Wyk (emeritus)

Bepaalde vergaderings

- o Donderdag 21 November: Bestuursvergadering van die OSR
Bestuur van OTMT
- o Vrydag 22 November: Sinodale Kerkkantoor Jaareindfunksie

Beskikbare behuising

- **Gemeente Philadelphia** het **akkommodasie** beskikbaar vir 'n **student**. Dit bestaan uit 'n privaatkamer met gemeenskaplike ablusie en kombuis. Dit is binne stapafstand van die Universiteit en daar is veilige parkeering. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op weksdae, of dr Sanrie de Beer by 083 226 1866, of stuur 'n e-pos na philadelphia@nhk.co.za.
- **Ons Tuis (Riviera, Pretoria)**, tehuis vir versorging van verswakte bejaardes, het tans plek beskikbaar. Ons bied u 'n volledige versorgingsfasiliteit wat insluit:
 - o 24-uur mediese versorging,
 - o 3 maaltye per dag,
 - o sekuriteit, en
 - o gereelde sosiale aktiwiteite.Vir meer besonderhede, skakel matrone E Mans by 012 329 3623. Aansoekvorms kan afgetrek word op www.otmt.org, of kontak H Fourie by 012 325 1857 om aansoekvorms aan u te stuur.



Studente-akkommodasie
Universiteit Pretoria

Gemeubileerde kamers in private koshuis en kommunes beskikbaar vir studente
Naby Universiteit, sportgronde en inkopiesentrums
Vir Afrikaanse Christenseuns en -meisies

Vanaf R2 600

012 362 1192 / admin@tukiestate.co.za

- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Andries-Marié Oosthuizen Monumenttehuis in Parys**
24-uur versorging met drie maaltye word voorsien
Tans is daar beskikbare kamers:
 - o 2 enkelkamers suidekant @ R5 800
 - o 2 beddens in die 4-bed-kamer @ R5 800Kontak matrone Botha by 056 811 2185 vir meer besonderhede

- **Piet Potgieter Monumenttehuis in Mokopane (Potgietersrus)**
Die volgende akkommodasie is tans beskikbaar:
4 x kamers met eie geriewe, ontbyt en middagete ingesluit
Gesik vir selfversorgende bejaardes wat self hul kamer en wasgoed kan doen
Rustige, plattelandse dorp ideaal vir aftrede
Kontak bestuurder, mev Mariana van Tonder, by 015 491 6314



CARITAS
Occupational & Primary Healthcare Services
Praktyknr 0470775 / Maatskappyregistrasiernr 2012/121486/07 BTW-nr 4730261163

Sr Retha Botha (SANC 13562723, SASOHN 2109)
(BCur, Beroepsgeesondheid, Health Assessment Treatment and Care, Verloskunde, Psigiatrie, Gemeenskapgesondheid)

Selfoon: 072 279 4286 / **Faks:** 086 513 9161 / **E-pos:** caritas.occ.phc.health@gmail.com
Posbus 7287, Flamwood 2572

Diens word op eie perseel gelewer

Dienste
Volgens Beroepsgeesondheidswetgewing en -regulasies

- Volle mediese ondersoeke
- Gehoortoetse
- Longfunksietoetse
- Snellen-oogtoetse
- Gesondheidsrisiko-analise
- Eerstehulpopleiding
- Hulp met noodplanoefening, -beplanning en -uitvoering

Kampe en toere

- **Gemeente Potchefstroom-Studente: Eerstejaarskamp 2014**
Plek: *Serube Sa Phakwe*
(avontuur-, sport- en lewensvaardigheidsentrum in die Vrededorp-koepel)
Datum: Dinsdag 7 tot Vrydag 10 Januarie 2014
Tyd: Vertrek Dinsdag 7 Januarie om 13:00
Terug Vrydag 10 Januarie om 13:00
Vertrekpunt: Vanaf die kerkgebou in Silwerstraat 19
Ons ry almal saam per bus – jy gaan hier reeds begin vriende maak!
Skakel dr Rudy Denton by 018 294 3509 / 082 459 9710
of Terzie Denton by 082 475 4618
of Salome Lubbe by 072 993 8183 indien jy enige vrae het
Besoek ons webblad vir registrasie:
<http://www.studentegemeente.com>
<http://www.facebook.com/PotchStudente>
- **TUKS Eerstejaarskamp 2014**
Aangebied deur Gemeente Philadelphia
Tema: *Die lewe is 'n Rubiks-cube*
Datum: Vrydag 10 tot Dinsdag 14 Januarie 2014
Prys: R950 voor 15 Desember 2013 en R1 000 na 15 Desember 2013
Die kamp vind by Kwaggasrus plaas
Bymekaarkomplek: NHKA Philadelphia
Afslag van R50 op kampprys vir matrieks per mede-matriekvriend
wat jy saambring
Skakel Annieka by 072 758 / Hanri by 073 171 5386
Vind ons op Facebook: Tukkies EJK 2014
- **Gemeente Stellenbosch: Eerstejaarskamp 2014**
Is jy 'n toekomstige Matie?
Kom kamp dan saam met ons
Saterdag 18 Januarie 2014 om 12:00 tot **Dinsdag 21 Januarie** om 15:00
Indien jy eers 22 Januarie in die koshuis of elders moet aanmeld, kan ons vir jou stoorplek gee vir jou bagasie, en selfs slaapplek as dit vir 'n nag of wat nodig is.
Kom maak sommer van vroeg af goeie vriende, leer die omgewing en kampus ken en word so ook deel van die kerklike omgewing, waar ons 'n baie aktiewe



HSV het. Ons beplan om groot pret te hê op die kamp. Daar gaan besprekings wees oor jou geloof en jou studentejare, maar ook genoeg pret en plesier – swem, speletjies, stap, uitstappies...

Baie belangrik: Indien jy ander briewe ontvang het wat jou nooi na Eerstejaarskampe, dit is **almal kerkkampe**, al sê hulle dit nie duidelik in die briewe nie. Kom kamp dus asseblief saam met jou Kerk!

Vir meer inligting, kontak ds Chris le Roux by 079 498 3239 / cleroux@nhk.co.za of Johanet van der Merwe, HSV-voorsitter, by 073 941 7810.

- **Leef jou droom en besoek Israel saam met my 26 Maart tot 5 April 2014**
Toerleier: Dr André Ungerer
Besigtig ook die wonder van Petra in Jordanië
Geniet die piramides en sfinks as bonus op pad huis toe
Skakel 018 468 5129 of 082 940 8201
E-pos: andreung@telkomsa.net
- **Konteks-leserstoer na Turkye: 1 tot 17 Mei 2014**
15 lewensveranderende dae op die voetspore van die eerste Christene
Toerleier: Prof Ernest van Eck
012 420 3804 (w) / 082 413 2332 / ernest.vaneck@up.ac.za
Allesinsluitende aangepaste toerprys: R26 968
Gebaseer op wisselkoers USD1.00 = ZAR10.00
Internasionale retoerlugvervoer met Turkish Airlines in ekonomiese klas; lughawebelastings; 15 dae verblyf in eersteklas (4 ster) hotelle; drie etes daaglik; grondvervoer in luukse bus met lugversorging; alle toegangsfooie; dienste van professionele Engelssprekende gids en groeppreisversekering.
Inhoudryke reisplan sluit onder andere die volgende hoogtepunte in:
 - Tarsus (Paulus se geboorteplek)
 - Skoorsteenlandskap en ondergrondse stede van Kappadosië
 - Die sewe gemeentes van Klein-Asië
 - Die natuurwonder van Pamukkale
 - Die Griekse eiland Patmos (Grot van Johannes se Openbaring)
 - Skone Assos aan die Egeïse kus
 - Drie nagte in Istanbul**Moenie hierdie unieke geleentheid misloop nie. Daar is net enkele plekke oor!**
Vir meer inligting kontak:
Formele reisagent: Louise Geyser
012 361 0579 / 082 560 4279 / louise.geyser@absamail.co.za
- **Vrouekamp 2014: Vrydag 16 tot Sondag 18 Mei 2014**
Alle dames van gemeentes, dagboek asseblief die datum!
Tema: *Wat is nuus?*
Sprekers: Di Janine Bevol-Manders en Antionette Janse van Rensburg
Koste: R550 per persoon
Kampgronde ongeveer 40 km buite Pretoria
Kontak Jana Peenze by 083 734 5426 / janapeenze@vodamail.co.za of Stefanie Theron by 082 825 7944 / stef1@absamail.co.za

Kompetisies en fondsinsamelings

- **Gemeente Otjiwarongo: Resepteboek *Manna en kwarteltjies***
Beproefde resepte vanuit die gemeente
R120 per eksemplaar plus posgeld vanaf Namibië
Ideale Kersgeskenk
Kontak ds Elritia le Roux by propeleroux@gmail.com



- **Gemeente Witfield: Boog- en geweerjagkompetisie**
Sluitingsdatum 31 Mei 2014, trekking 1 Junie 2014
Kaartjies: R100 donasie
1ste prys: Koedoebul, sebra, blouwildebees, 2 rooibokke, 2 blesbokke plus 5 dae en 4 nagte verblyf
2de prys: Blouwildebees, sebra, rooibok, blesbok plus 4 dae en 3 nagte verblyf
3de prys: Blouwildebees, rooibok, blesbok plus 3 dae en 2 nagte verblyf
Geborg deur Chaan Bezuidenhout
Plaas se professionele jagter kan gebruik word
Kontak Alida Reed by 082 228 3552
of Chaan Bezuidenhout by 082 853 5895

Basaars en markte

- **Vrydag 22 en Saterdag 23 November: Gemeente Noordelike Pretoria Bielie-van-'n-Makietie-Fees**
Moot: 12de Laan 512, Gezina
Met Liza Brönnner (nuwe *Liefeling*) en Wikus Botma
Vrydagaand om 19:00: Ete by kerslig in die saal
Koeldrank te koop of bring 'n wyntjie en glas saam
Etekaartjies tot 15 November te koop
by Pikkie 083 404 5552 / Sarel 083 554 3397 / Mirna 082 307 7314
Volwassenes = R50, persone oor 65 en kinders onder 12 = R25
Saterdag vanaf 08:00: lets vir almal
Allerhande kosstalletjies, teetuin met gebak, koeldrank, pannekoek...
Witolifanttafel, musiek, speletjies vir die kinders, lootjies en pryse te wen
Uitstallars teen R50 'n stalletjie
11:00 Liza en Wikus – bring stoel of kombors
Navrae aan Ria Smit by 236mms@gmail.com
- **Vrydag 29 en Saterdag 30 November: Gemeente Sionspoort Kersmark**
Handgemaakte items van hoë kwaliteit te koop
Talle kosstalletjies en vermaak
Die diakonie trakteer die gemeenskap se minderbevoorregte kinders
Skakel 082 464 1547 vir meer inligting
- **Saterdag 30 November: Gemeente Ventersdorp: Minibasaar**
Handgemaakte Kersgeskenke en vele meer
Kom geniet die dag saam met ons
Daar sal baie te ete en te drinke wees
Kom proe ons sosaties en alombekende boerewors teen lae pryse
Kontak ds Marius Jansen van Vuren by 072 850 4960
of Nico Kock by 083 204 6715
- **Saterdag 30 November: Gemeente Strand: Basaar**
Plek: Saal van NG Moedergemeente
Adres: hv Birkenhead- en Faganstraat
Van vroeg tot laat met alles en nog wat
Kom besoek ons en ondersteun ons as u in die omgewing is
Navrae aan Douw Steyn by 071 382 1900
- **Saterdag 30 November: Gemeente Bellville: TOEKAFEEES 2013**
By Laerskool Brackenfell vanaf 09:00 tot laat
Kom eet en drink iets lekker
Kom kyk na veteraanmotors en ou trekkers
Kom kyk na ou versamelings en demonstrasies
Kom luister na lekker musiek

Kom – bring jou gesin en vriende
en geniet 'n lekker outydse uitstappie in karnavalatmosfeer
Toegang: R10 per volwassene en kinders op skool R5
Kontak Nico by 082 823 5441 / Gert by 083 761 4320

ANDER NUUS



- **BYBELS VIR SLAGOFFERS VAN TIFHOON HAIYAN.** Tifoon Haiyan, een van die grootste storms nog wat 'n landmassa bereik het, het aan die begin van November miljoene mense in die Filippyne ontwortel. Baie mense het geliefdes verloor en duisende het tans geen toegang tot kos, skuiling of skoon water nie. Meer as 90% van die bevolking van die Filippynse Eilande is Christene, en baie van hulle het hulle Bybels in die storm verloor – juis nou dat hulle dit so nodig het. 'n Spesiale projek, *God is ons toevlug*, is deur die Filippynse Bybelgenootskap in die lewe geroep om so gou moontlik 250 000 Bybelgedeeltes, 20 000 Bybelse strokiesprentboeke vir kinders en 20 000 volledige Bybels beskikbaar te stel om in die gebiede wat die ergste getref is, te versprei. Hiervoor word R1 293 750 benodig. Enigeen wat 'n **bydrae** wil stuur, kan die webwerf www.bybelgenootskap.co.za besoek en klik op *God is ons toevlug*, of biblia@biblesociety.co.za kontak, of 021 910 8705 skakel.

Vroom of regsinnig?

TEOLOGIE IN DIE NG KERK

Hierdie boek herinner ons dat heelwat van die godsdienstige en teologiese probleme wat vandag aktueel is, reeds 150 jaar gelede aan die orde van die dag was. Om te sien hoe hierdie probleme destyds hanteer is, kan ons baie help om die hervormingsprosesse van nou verantwoordelik te laat verloop.

R150.00

E-aankope: www.bybelmedia.co.za of kontak ons by 0860 26 33 42

- **VAKATURES VIR MAATSKAPLIKE WERKERS**
Ondersteuningsraad
Kempton Park en Elsburg 1 voltydse pos elk
Minimumvereistes: Maatskaplikewerkgraad en geregistreer by SACSSP
Geldige rybewys
Stuur CV stuur na 012 322 5787 (faks) / oraad@nhk.co.za
- **VAKATURE VIR SEKRETARESSE**
Ondersteuningsraad Kempton Park
10 ure per week
Salaris volgens jare ervaring
Vereistes: Rekenaarvaardig en kennis van boekhouding
Goeie administratiewe vaardighede en goeie menseverhoudinge
Geldige rybewys
Stuur CV aan Karen du Buisson (071 684 7855) by oosrandpb@gmail.com
- **KERSMARK: TRANSORANJE SKOOL VIR DOWES**
22 November tot 1 Desember
Saal L, Tshwane Event Centre (Pretoria-skougronde)
Toegang gratis – hek P8 in Kerkstraat
Saterdag 23 November: *Save a Rhino*



2,5 km pretstap R20 per persoon – registrasie 09:00
Navrae by 012 386 6072-5 / www.transoranje.webs.com

- **BEELD-KINDERFONDS: Kerskonsert**
Woensdag 27 November in Pretoria
R110 en R155
Navrae aan Adrie van Staden by 011 976 2273 / 073 749 2697
Besook www.beeldkinderfonds.co.za
- **VOORTREKKERMONUMENT KONTREIMARK**
Saterdag 7 Desember 08:00 tot 14:00
Teetuin en Afrikaanse kunstenaars
Hand-/tuisgemaakte artikels en vars produkte
Toegang R20 per voertuig
Navrae aan Thea Furstenburg by 012 326 6770 / thea@vtm.org.za
- **AFRIKAANS SE WORTELS.** Helena Liebenberg lewer op **14 Desember** om 10:15 vir 10:30 in die Kunsgalery van die Voortrekkermonument 'n voordrag oor **WOORDREIS NA DIE BRONTAAL**. Hoor en beskou van die oudste woorde denkbaar wat in Afrikaans as oer-erfenis steeds in ons alledaagse taalgebruik in bewaring gehou word. Afrikaans se taal-DNS loop deur 17de-eeuse Nederlands na 'n nog ouer taalvorm – ons taalfamilie se brontaal. Navrae by 083 258 1342 / Helena@taaloord.co.za.
- **INTERKERKLIKE GELOFTEDIENS: 16 Desember om 08:00**
Samesang vanaf 07:50
Kerkgebou van NG gemeente Hartbeesspruit-Queenswood
hv Webbweg en Garretlaan (ingang uit Garretlaan), Queenswood
Prediker: Ds HL Stavast van Gereformeerde Kerk Totiusdal
Deurkollekte ten bate van Bybelverspreiding
Navrae aan oudl Peet Visser van Gemeente Oos-Moot
012 332 1202 / 082 432 0220

Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Indien 'n jpg-weergawe van die advertensie voorsien word, moet dit verkieslik nie groter as 'n standaard besigheidskartjie wees nie. Stuur die voorgestelde teks van nie meer as 110 woorde met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die e-Hervormer word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. Die koste is R150 per plasing (BTW ingesluit).

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + e-Hervormer Ads.

Neem asseblief kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Die lewe is so gejaagd. Mense stop om gou die grappie of snaakse video op e-pos te lees of kyk. Maar as daar iets van Jesus staan, word dit geskuif na die later boksie. Ek begin eers 06:30, maar is party dae al 05:00 hier net om te probeer wen. Klokslag as die *e-Hervormer* kom, word dit oopgemaak. Alles op die skinkbord en die voorblad word gelees, dalk die res ook as daar dadelik tyd is, so nie so stuk-stuk later. Baie dankie vir die voorblad – ek het die padkos nodig, en dit is gewoonlik goed vir die siel.”

WJ (Kobus) van Straaten, Sasolburg

AGTERBLAD

Kerkbybel

Die ideale Kersgeskenk teen 'n winskopieprys! Die Kerkbybel is vir 'n beperkte tyd beskikbaar teen net R100 (posgeld uitgesluit)!

Kry die volledige 1983 Nuwe Afrikaanse Vertaling van die Bybel, die Liedboek in grootdruk, en die belydenisskrifte in een band.

Bestel van SENTIK se Boekwinkel. Kontak mev Susann van Zyl by 012 322 8885 x291 / faks 086 633 4054 / sentik@nhk.co.za.

